

明紅絲  
欄鈔本

百

家

詞



水雲詞目錄

滿江紅 吳江秋夜

金人捧露盤 越州越王臺

琴調相思引 越上賞花

長相思 越上寄徐靈江

傳言玉女錢塘元夕

好事近 浙江樓聞笛

洞仙歌 毗陵趙府兵後僧多占作佛屋

鷺啼序 重過金陵

六州歌頭 賦江都

水龍吟 淮河舟中夜聞宮人琴聲

望江南 幽州九日

卜筮子河南送妓移居河西

滿江紅和王昭儀韻

附王昭儀滿江紅一闋

滿江紅吳山

一剪梅懷舊

惜分飛歌樓別客

糖多令吳江中秋

鷓鴣天

眼兒媚

憶王孫集句數闋

水雲詞目錄終

水雲詞集

宋水雲

汪元量

大有

行吟

元須溪

劉辰翁

會益

批點

滿江紅

賦吳江秋夜

一箇蘭舟雙桂槳順流東

但滿目銀光萬頃淒其

風露漁火已歸鴻鴈港棹歌更在鴛鴦浦漸夜深蘆

葉冷蕭蕭臨平路

吹鉄笛鳴金鼓絲玉贈傾香醕且浩歌痛飲藕花深

處秋水長天迷遠望晚風殘月空凝竚問人間今昔

是何年清如許

金人捧露盤賦越州越王臺

越山雲越江水越王臺箇中景儘可徘徊凌高放目

使人膏次共崔巍黃鸝紫燕報春晚勸我啣盃  
古時事今時淚前人喜後人哀況醉裏詩管成灰新  
愁舊恨一時分付與潮迴鷓鴣聲歇斜陽去滿地風  
埃

琴調相思引越上賞花

曉拂菱花巧畫眉輕新剪作春衣恐春歸去無處看  
花枝

已恨東風成去客更教飛鷺舞此時惜花人醉頭上  
插花歸

長相思越上寄徐雪江

吳山深越山深空谷佳人金玉音有誰知此心  
夜沉沉漏沉沉閑却梅花一曲琴月高松竹林

傳言玉女錢塘元夕

一片風流今夕與誰同樂月臺花館塵埃漠漠豪華  
蕩盡只有青山如洛錢塘依舊潮生潮落

萬點燈花羞照舞鈿歌箔梅花清瘦恨東皇命薄  
君淚流手撚琵琶絃索離愁聊寄畫樓哀角

好事近 浙江樓聞笛

獨倚浙江樓滿耳怨笳哀笛猶有梨園聲在那念人  
天比 海棠憔悴怯春寒風雨怎禁得回首華清池  
畔渺露蕪烟狹

洞仙歌 毗陵趙府兵後僧多占作佛屋

西園春暮亂草迷行路風捲殘花墮紅雨念舊時燕  
子飛傍誰家斜陽外長笛一聲今古 繁華流水去

無歌歌況恁見遺鈿積香土漸橘枌方生桑枝漸長  
都分付與沙門為主使關防不放貴游來又突几梯  
空梵王宮宇

鷓啼序 重過金陵

金陵故都最好有朱樓迢遞嗟倦客又此憑高檻外  
已少佳人致更落盡梨花飛盡楊花春也成憔悴問  
青山三國英雄六朝奇偉 麥甸葵丘荒臺敗壘鹿  
豕嚼枯薺正潮打孤城寂寞斜陽影裏聽樓頭哀笳  
悲角未把酒愁心先醉漸夜深月滿秦淮烟籠寒水

又

淒淒慘慘冷冷清清燈火渡頭市慨商女不知興廢  
隔江猶唱庭花餘音疊疊傷心千古淚痕如洗烏衣

巷口青蕪路認依稀王謝舊鄰里臨春結綺可憐紅  
粉成灰蕭索白楊風起因思疇昔鐵索千尋謾沉  
江底揮羽扇障西塵便好角巾私弟清談到底成何  
事回首新亭風景今如此楚囚對泣何時已歎人間  
今古真兒戲東風歲歲還來吹入鍾山幾重翠

六州歌頭賦江都

綠蕪城上懷古恨依依淮波山泮江波逝昔人非今  
人悲惆悵隋天子錦帆裏環珠履叢香綺展旌旗盪  
漣漪擊鼓過金擁瓊瑛玉吹恣意遊嬉斜日暉暉亂  
鶯啼銷魂此際君臣醉貌貅斃事如非山河墜烟  
塵起風淒淒雨霏霏草木皆垂淚家國棄竟忘歸笙  
歌地歡娛地盡荒畦惟有當時皓月依然掛楊柳青



枝聽堤邊漁叟一笛醉中吹興廢誰知

水龍吟 淮河舟中夜聞宮人琴聲

鼓鞞驚破霓裳海棠亭北多風雨歌闌酒罷玉啼金  
泣此行良苦駝背模糊馬頭匝朝朝暮暮自都門  
一別龍艘錦纜空載得春歸去目斷東南半壁悵  
長淮已非吾土受降城下草如霜白淒涼酸楚粉陣  
紅圍夜深入靜誰賓誰主對漁燈一點羈愁一搦譜  
琴中語

望江南 幽洲九日

官舍悄坐到日西斜永夜角聲  
客心愁破止  
思家南北各天涯腸断裂搔首一長嗟綺席象床  
寒玉梳美人何處醉黃花愁淚撚琵琶

卜筭子河南送妓移居河西

我向河南來伊向河西去客裏相逢只片時無計留  
伊住去住總由伊莫把眉頭聚安得揚州快剪刀  
割斷相思路

滿江紅和昭儀韻

天上人間醉王母蟠桃春色被午夜漏聲催曉光侵  
銀闕花覆千官鸞閣外香浮九鼎龍樓側恨黑風吹  
雨濕霓裳歌聲歇人去後書應絕腸斷處心難說  
更那堪杜宇滿山啼血事去空流東汴水愁來不見  
西湖月誰知海上泣嬋娟菱花缺

附錄王昭儀詞云

太液芙蓉渾不似舊時顏色曾記得春風雨露玉樓

金闕名播蘭簪妃后裏暈生蓮臉君王側忽一聲鞞  
鼓揭天來繁華歇 龍虎散風雲絕無限事憑誰說  
對山河百二淚沾襟血驛館夜驚鄉國夢宮車曉碾  
關山月願嫦娥垂顧冑相容從圓缺

劉批云尾句欠商量

滿江紅吳山

一霎浮雲都掩盡曰無光色遙望處浮圖對峙梵王  
新闕燕子自飛關北外楊花閒度西樓側慨金鞍玉  
勒早朝人經年歇 昭君去空愁絕文姬去難言說  
想琵琶哀怨淚流成血蝴蝶夢中千種恨杜鵑聲裏  
三更月最無情鴻鴈自南飛音書缺

一剪梅懷舊

十年愁眼淚巴巴今日思家明日思家一團燕月照

窓紗樓上胡笳塞上胡笳 玉人勸我酌流霞急燃  
琵琶一從別後各天涯欲寄梅花莫寄梅花

惜分飛 歌樓別客

燕子留君君欲去 征鴈頻嘶不住 握手空相覷 淚珠  
成縷 眉峯聚 恨入金徽孤鳳語 愁得文君更苦 今  
夜西窓雨 斷腸能賦江南句

糖多令 吳江中秋

莎草被長洲 吳江拍岸流 憶故家西北高樓 十載客  
窓憔悴 損搔短鬢 獨悲秋 人在塞邊頭 斷鴻書記  
不記 當年一片閑愁 舞罷羽衣塵滿面 誰伴我 廣寒  
遊

鷓鴣天

潑灑湖光綠正肥  
蘇堤十里柳絲垂  
輕便燕子低低舞  
小巧鸞兒恰恰啼  
花似錦酒成池  
對花對酒兩相宜  
水邊莫話長安事  
且請卿卿喫蛤蜊

眼兒媚

記得年時賞荼蘼  
蝴蝶滿園飛  
一雙寶馬兩行簫管  
月下扶歸  
而今寂寞人何處  
脉脉淚沾衣  
空房獨守風穿簾子雨  
隔窓兒

憶王孫

集句數首甚婉婉備至可觀

漢家宮闕動高秋  
人自傷心水自流  
今日清明獨上樓  
恨悠悠  
白盡梨園弟子頭

又

吳王此地有樓臺  
風雨誰知長綠苔  
半醉閒吟猶自

來小徘徊惟有江流去不回

又

長安不見使人愁物換星移幾度秋  
一自佳人墜玉樓莫淹留別遠秦城萬里遊

又

陣前金甲受降時園客爭偷御果枝  
白髮宮娃不解悲理征衣一片春帆帶雨飛

又

鷓鴣飛上越王臺燒接黃雲慘不開  
有客新從越地回轉堪哀巖畔古碑空綠苔

又

離宮別院草淒淒對此如何不淚垂  
滿檻山川漾落

暉昔人非惟有年年秋鴈飛

又

上陽宮裏斷腸時春半如秋意轉迷獨坐紗窓刺繡  
遲淚沾衣不見人歸見燕歸

又

華清宮樹不勝秋雲物淒涼拂曙流七夕何人望斗  
牛一登樓水遠山長步步愁

又

五陵無樹起秋風千里黃雲與斷蓬人物蕭條市井  
空思無窮惟有青山似洛中

水雲詞集終

宋舊宮人贈汪水雲南還詞目錄

章麗真一闋  
袁正真一闋

金德泚一闋  
連妙泚一闋

黃靜泚一闋  
陶明泚一闋

柳華泚一闋  
楊慧泚一闋

華清泚一闋  
梅順泚一闋

吳昭泚一闋  
周容泚一闋

吳泚真一闋

共詞一十三首

餘詩錄見本集



上陽宮東山... 魏晉雜史... 本集... 是陽生... 魏晉雜史... 魏晉雜史... 魏晉雜史...

吳世真一閱

吳世真一閱

羊祜一閱

羊祜一閱

羊祜一閱

羊祜一閱

羊祜一閱

目錄終

入殿... 木... 南... 魏... 目錄

宋宮人贈水雲詞集

長相思

章麗真

吳山秋越山秋吳越兩山相對愁  
長江不盡流風  
颼颼雨颼颼萬里歸人空  
白頭南冠泣楚囚

長相思

袁正真

南高峯北高峰南北高峰雲淡濃  
湖山圖畫中采  
芙蓉賞芙蓉小小紅船西復東  
相思無路通

望江南

金德泚

春睡起積雪滿燕山萬里長城橫  
玉帶九街燈火已  
闌珊人立薊樓間空懊惱  
獨客此時還轡壓馬頭  
金錯落鞍籠駝背錦欄班  
腸斷唱陽關

望江南

連妙泚

寒料峭獨立望長城木落蕭天遠大聲卷管過雲行  
歸客若為情 樽酒盡勒馬問歸程漸近瀘溝橋畔  
路野墻荒驛夕陽明長短幾郵亭

望江南

黃靜汧

君去也曉出薊門西曾酒千盃人不醉臂鷹健卒馬  
如飛回首隔天涯 雲黯黯萬里雪霏霏料得江南  
人到早水邊籬落忽橫枝清興少人知

望江南

陶明汧

秋夜永月影上闌干客枕夢回燕寒冷角聲吹徹五  
更寒無語翠眉攢 天漸晚把酒淚先彈塞北江南  
千萬里別君容易見君難何處是長安

望江南

柳華汧

何處笛覺妾夢難諧春色惱人眠不得卷簾移步下  
香堦呵凍卜金釵人去也畢竟信音乖翠鎖雙蛾  
空宛轉鴈行箏柱強安排終是沒情懷

望江南

楊慧泚

江北路一望雪皚皚萬里打圍鷹隼急六軍刀斗去  
還來歸客別金臺江北酒一飲動千盃客有黃金  
如糞土薄情不買贖奴回揮淚洒黃埃

望江南

華清泚

燕塞雪片片大如拳薊上酒樓喧鼓吹帝城車馬走  
駢闐羈館獨凄然燕塞月缺了又還圓萬里妾心  
愁更苦十春和淚看嬋娟何日是歸年

望江南

梅順泚

風漸軟煖氣滿天涯莫道窮陰春不透今朝樓上見  
桃花花外碾香車圍步帳羯鼓雜琵琶壓酒燕姬  
騎細馬秋千高掛絲繩斜知是阿誰家

望江南

吳昭泚

今夜永說劍引盃長坐擁地爐生石炭燈前細雨好  
燒香呵手理絲簧君且住爛醉又何妨別後相思  
天萬里江南江北永相忘

望音

真箇斷人腸

望江南

周容泚

春去也白雲尚飄零萬里歸人騎快馬到家時節藕  
花馨那更憶長城妾薄命兩鬢漸星星忍唱乾淳  
供奉曲斷腸人聽斷腸聲腸斷淚如傾

霜天曉角

吳泚真

塞門桂月蔡琰琴心切彈到笳聲悲處千萬恨不能  
雪 愁絕淚還折更與胡兒別一片關山懷抱如何  
對別人說 右聽水雲彈胡笳十八拍因而有作

宮人詞集終

長細馬秋千尚掛絲絳綉知是何誰家

望江南

吳昭濟

今夜承流劍劍至長生梅地爐生石炭燈前細雨好

燒香呵手理絲絳香君且住原野又何妨到後相思

天易望江南江虎不相忘對吳蕭斷人勝

望江南

周容

春去也白雲西望無處尋人時伏馬列家時

樓閣人猶在春風吹綠柳輕暖燕子已歸日西斜

畫堂不似舊時愁是梅風與柳花亂山斜照吹回

宮人詞集終

遜菴居士詞目錄

水調歌頭三

滿江紅九

大江東去三

水龍吟一

漢宮春一

滿庭芳三

望月婆羅門引二

蝶戀花三

江城子四

漁家傲七

月上海棠四

鷓鴣天十五

臨江仙三

浣溪沙三

訴衷情一

生查子一

南鄉子一

最高樓一

點絳脣一

西江月一



東坡詩一

東坡詩二

玉堂詩一

玉堂詩二

東坡詩三

東坡詩四

蘇詩天十五

蘇詩天十六

蘇詩天十七

蘇詩天十八

蘇詩天十九

蘇詩天二十

蘇詩天二十一

蘇詩天二十二

蘇詩天二十三

蘇詩天二十四

蘇詩天二十五

蘇詩天二十六

蘇詩天二十七

蘇詩天二十八

遜菴居士詞目錄畢

遜菴居士詞

河東段克己復之

水調歌頭

癸卯八月十七日逆旅平陽夜聞笛聲有感  
而作

亂雲低薄暮微雨洗清秋涼蟾乍飛破鏡倒影入南樓  
水面金波灩灩簾外玉繩低轉河漢截天流桂子墮無跡  
爽氣襲衽裘廣寒宮在何處可神遊一聲羌管誰弄吹徹古梁州  
月自於人無意人被月明催老今古共悠悠壯志久寥落不寐數更籌

迎送神二詞為劉潤之賦

清秋好天氣禾黍已登場群心思答神貺吉日復辰

良神既來分庭宇  
颺颺西風吹雨  
仙仗儼長廊  
巫覡傳神語  
出戶舞佺佺  
封肥豎  
瀝桂酒  
奠椒漿  
一年好處須記此  
樂最難忘  
風外淵淵簫鼓  
醉飽滿城黎庶  
健倒卧康壯  
夜久群動息  
風散一簾香

又

雙龍穩扶輦  
千騎縱翱翔  
雲旌翠蕤摩蕩  
遙指白雲鄉  
風馭飄飄高舉  
雲駕攀留  
無處煙霧杳  
茫茫小立西風外  
似聽珮鏘鏘  
暮天長  
秋水閣遠山蒼  
歸途正踏明月醉語  
說豐穰  
但願明年田野  
更比今年多稼  
神貺詎能忘  
君可多醜酒  
吾復有新章

浦江紅

過汴梁故宮城

塞馬南來五陵草樹無顏色雲氣黯黯鼓聲震天穿  
地裂百二河山俱失險將軍束手無籌策漸煙塵飛  
度九重城蒙金闕長戈裊飛鳥絕原厭肉川流血  
嘆人生此際動成長別回首玉津春色早雕欄猶挂  
當時月更西來流水達城根空嗚咽

又

塵滿貂裘依舊是新豐羈客還感慨中年多病惟堪  
眠食方寸玉堦無地借詩書勲業休重憶况而今雙  
鬢已成絲非疇昔興廢事吾能說今古恨空填憶  
向南風望斷五絃消息眯眼黃塵無處避洗天風雨  
來何日待酒酣慷慨話平生無人識

壽陳良臣

有為之後國子陳慶流苗裔還世有異人間出簪纓  
不墜別派中分汾水右英靈吸盡姑山氣看鳳麟來  
應太平期為佳瑞 都來未展經邦志醫與卜渾餘事  
把活人手段此中聊試德義不孤明友樂田園粗了  
兒孫計有鬢絲禪榻老桂生涯棲心地

夢菴張君信夫生朝

臘盡春來還又是新年入手人共喜丹山仙桂一枝  
初秀轉首黃金都散盡酒酣彈缺蛟龍咬想平生豪  
氣尚依然衝星斗 紅未透花枝瘦人不老花依舊  
老生涯正要東山歌酒翠壁崢空山玉立長河瀉浪  
風雷走挽山河滕檠入金尊為君壽

登河中鸛雀樓

古堞憑空煙霏外危樓高矗人道是宇文遺址至今  
相續夢斷繁華無覓處朱甍碧甃空陳跡問長河都  
不管興亡東流急本是乘槎客因一念仙凡隔向  
人間頽仰已成今昔條華橫陳供望眼水天上下極  
空碧對西風舞袖障飛鴻滄溟窄

壽衛行之

春色三分猶未一元宵才過行樂處軟紅香霧未收  
燈火楊柳梢頭黃尚淺梅花萼底紅初破待東風吹  
綠滿瀛洲愁無奈無一物爲君賀歌我志君須和  
問人生底事必須奇貨好對青山傾白墮休嗟事業  
違人此怕他時富貴逼人來妨高卧

清明與諸生登西磴栢崗

欲把長繩維白日暫留春往親友面一回相見一回  
非舊擾擾膠膠塵世事不如人意十常九向斜陽無  
語倚危樓空搔首活國手談天口都付尊中酒這  
情懷又是去去年時候風外紛紛飛絮亂柳邊湛湛  
長江去問老來還有幾多愁愁如許

遜菴主人植菊階下秋雨旣盛草萊蕪沒殆  
不可見江空歲晚霜餘草腐而吾菊始發數  
花生意凄然似訴余以不遇感而賦之因李  
生湛然歸寄菊軒弟

雨後荒園群卉盡律殘無射踈籬下此花能保英英  
鮮質盈把足娛陶令意夕飡誰似三閭潔到而今狼  
籍殘苔無人惜堂上客頭空白都無語懷疇昔限

因循過了重陽佳節颯颯涼風吹汝急汝身孤特應  
難立謾臨風三嗅遶芳叢歌還泣

重九日山居感興

五柳成陰二逕晚宦遊無味還自嘆迎門笑語久須  
童稚歸去來兮尊有酒素琴解寫無絃趣醉時眠推  
手遣君歸吾休矣 富與貴非吾事貧與賤寧吾累  
步東籬遐想昔人高致霜菊盈叢還可採南山依舊  
橫空翠但悠然一點會心時君須記

大江東去

和荅衛龍衣之

道人活計本清虛挂壁素琴而已底事中心嘗悄悄  
不足一人之毀人果何尤天無可怨政欲求諸已愧



生平內報然其願流泚 聖道不遠于人步趨進退  
誰復能違此好把藩籬都剖剖看取成蹊桃李篤敬  
忠誠尚行蠻貊豈不行州里三薰三沐爲君准擬沉  
水

送楊國瑞西行兼簡仲宣生

悲哉秋氣覺天高氣爽澹然寥沉行李急忽人欲去  
一夜征鞍催發葉落長安鴈飛汾水怕見河梁別中  
年多感離歌休唱新闋 暮雨也解留人簷聲未斷  
牕外還騷屑滿眼清愁吹不散莫倚心腸如鐵面目  
蒼浪齒牙搖落鬢髮三分白故人相問請君煩爲渠  
說

次韻荅彥衡

無堪老懶喜春來  
蔬旬勸加飧  
食底事東君留不住  
忙似人間行客  
憂喜相尋  
利名羈絆心自無  
休息不如聞  
早付他妻子耕織  
門外柳弄金絲  
落花飛不起  
東風無力濁酒一杯  
誰送我歡意  
都非疇昔致主  
無心蒼頭白髮  
敢更希前席  
功名蠻觸何須  
千里追

水龍吟

壽舍弟菊軒

天高秋氣初清  
姑汾山水增明  
秀黃花紅葉  
翰香泛  
灑恰過重九  
細捻金蕤  
旋題新句  
滿斟芳酒  
况人生自有安排處  
須富貴何時有  
休說說中宰相也不  
效斜川五柳  
鉏犁自把山田  
耕罷雙牛隨後  
經史傳

家兒孫眼滿漸能承受待與君坐閱莊椿歲月作皤  
然叟

漢宮春

絕甫生朝且有弄璋之喜賦此以賀

公子歸來笑平生湖海豪氣依然黃金散盡落魄誰  
識當年世間底物解挽回鏡裏朱顏人共道愁須殢  
酒幾回推向尊前聞說夢熊初兆喜一枝慰眼歲  
晚留連蟠奩會須結子運偶三千詩書舊業要他時  
分付青氈庭階照映卧看玉樹芝蘭

滿庭芳

山居偶成每與文翰二三子論文把酒歌以  
侑觴亦足以自樂也

歸去來兮吾家何在結茆水際林邊自無人到門設  
不須關蠻觸政爭蝸角榮枯事不到尊前應堪嘆清  
溪流東去幾時還此身何處著從教客與木鴛  
之間筭躬耕隴畝在我無難便把鉏頭爲枕眠芳草  
醉夢長安煙波客新來有約買釣魚竿

又

歸去來兮漁歌樵唱覓愁愁在那邊承流委順萬事  
沒機關眼底江山如畫松環抱修竹當前君便有侯  
封相印到此也須還人主消底物百年都付茆屋  
三間但卷舒以道到了何難日月消磨雙鬢中原信  
未報平安蒙頭睡日高慵起簾影上三竿

雪夜用前韻

萬籟收聲六花呈瑞小橋路斷江邊笑潮州刺史足  
馬藍關謾有清名千載一杯酒孤負生前爭如我圍  
爐小酌中和笑中還 梅梢新月上芒鞋竹杖爛賞  
林間便銷金低唱欲換應難勲業何須看鏡蓬窓底  
空卧袁安君須記游魚失水那可上長竿

望月婆羅門引

癸卯元宵與諸君各賦詞以為樂寂寞山村  
無可道者因述其昔年京華所見以望月婆  
羅門引歌之酒酣擊節將有墮開元之淚者  
暮雲收盡柳梢華月轉銀盤東風輕扇春寒玉輦通  
宵遊幸綵仗駕雙鸞間鳴絃脆管鼎沸鰲山 漏聲  
未殘人半醉尚追惟是處燈圍繡轂花簇雕鞍繁花

夢斷醉幾度春風雙鬢班回首處不見長安

又

鳳城春好玉簫金管恣遊盤梅粧猶怯輕寒一曲清  
平妙舞掌上看回鸞漸寬裳歌遍翠斂春山良宵  
易殘歌別鶴惜餘懽眼底浮華自滿塵澆吟鞍瘴牛  
私酒若真是京東夫子班身幸健敢復求安

蝶戀花

壽衛龍之

二月山城春尚未柳弄東風恰吐黃金蘂占斷溪頭  
佳麗地多君先得閑中趣我爲虛名相絆繫君自  
深藏不識愁滋味世事無勞深著意年豐酒賤須勤  
置

聞鶯有感

鶉鴉一聲春已曉  
蝴蝶雙飛暖日明  
花草花底空歌  
猶未了流鶯又復催春老  
早是殘紅枝上少飛絮  
無情更把人相惱  
老檜獨含冰雪操  
春來悄没人知道

壽山人湛然李生

巖菊開時霜信杳  
風雨無情又是重陽了  
茆舍踈籬  
人不到床頭  
醅羞生微笑  
莫恠往山真  
小草顰損  
娥眉愁  
獨無人掃  
花底一杯  
須健倒  
醉中聽喚  
卿卿

江城子

甲辰晦日立春

鷄棲行李短，轅車馬如蛙。畏途餘四十九年，強伴在  
天涯。任使東風吹去，頭上雪眼中花。甘泉宜稔復  
宜麻。近更宜瓜。明日聞健早還家。報達春光猶有  
酒，傾白蟻，岸烏紗。

元日有感

數椽茆舍大如蝸。老生涯。寄山家。遮眼文書，隨分有  
些些。自愧行年如伯玉，思往事，盡堪嗟。從他鼓吹  
沸鳴蛙。鬢霜華。曉來加。南北東西，泛若水中槎。此去  
存身，知有道，深自隱，効龍蛇。

牡丹

百花飛盡彩雲空。牡丹叢始潛紅。培養經年造化奪  
天功。脉脉向人嬌，不語晨露重，洗芳容。卻疑身在



列仙宮翠帷重瑞光融爍爍紅燈間錯綠蟠龍醉裏  
天香吹欵盡應有悟夜來風

塵事鞍掌每與願違緬懷山林蕭散之趣

九衢塵土澆儒冠鏡中看失朱顏顛倒囊貲吾欲買  
青山剩種閑花多釀酒塵土外覓清懽 功名餘事  
且加餐老來閑豈天慳鐵笛橫吹牛背穩如舡細馬  
更須馱二草平地上作癡仙

魚家傲

送春

龍尾溝邊飛柳絮虎頭山下花無數花底醉眠留杖  
屨花上露隨風散漫飄香霧 老去逢春能幾度不  
妨且作風光主明日不知風共雨回首處斜陽又下

西山去

又

不是花開常殢酒，只愁花盡春將暮。把酒酬春無好  
何春且住，尊前聽我歌金縷。醉眼着花如腸霧。明  
朝酒醒那堪覩。早是閑愁無著處。雲不去。黃昏更下  
廉纖雨。

又

春去春來誰是怨。他昨夜江頭雨。把酒問春春不  
語。頭懶舉。亂紅飛過秋千去。芳草澹煙江上路。鷓  
鴒聲裏斜陽暮。風外榆錢無意絃。空自舞。如何買青  
春住。

又

一片花飛春已暮那堪萬點飄紅雨白髮送春惜最  
苦愁我詩滿川煙草和風絮常記解鞍沽酒處而  
今綠暗旗亭路怪底春歸畱不住鶯作馭朝來引過  
西園去

又

詩句一春渾漫與紛紛紅紫俱塵土樓外垂楊千萬  
縷風蕩絮欄干倚遍空無語畢竟春歸何處所樹  
頭樹底無尋處惟有閑愁將不去依舊住伴人直到  
黃昏後

又

斷送春光惟是酒玉杯重捧纖纖手檀板輕敲歌款  
就眉黛皺翠環暗點金釵溜自笑而今成老醜鶯

花依舊情非舊楊柳自從春去後誰擡舉腰肢新也  
如人瘦

正月十四日有感而作

燈火蕭條春日暮荒山月上聞村鼓羈客閑愁知幾  
許千萬人間沒箇安排處醉袖翩翩隨所寓冷  
然便以風為馭指點虛無雲外路留不住東將入海  
隨煙霧

月上海棠

壬寅冬躬謁玉清壇下客有歌月上海棠

者乃玉清作也詞致高遠真游乎方之外者  
也明年吾友陳子颺過余山中始為屬和因  
亦次韻以簡知音

住山活計宜聞早，身世滄溟一謳小。日月兩挑九迭，送人間昏曉。朱顏換，風雪俄驚歲杪。弊衣旋補，荷盈沼，筭騎鶴揚州古今少。休苦似吳蚕，剛把此身纏繞。君知否，我自無心可了。

和荅楊生彥衡

小樓舞徹雙垂手，便倩鴈將書寄。元九舉首望南山，獨娥眉數峯明秀。人未老，且任高歌對酒。莫將此樂輕孤負。喚明月清風，做三友。纖手折黃花，步東籬。爲伊三嗅英雄淚，醉搵應須翠袖。

又

時平無用經綸手，且閑把文章和歐九。天氣湛清秋，便無限山明水秀。留客醉，但願尊中有酒。鷓夷到

處須親負尋山鳥山花好朋友塵世自薰猶把瑤英  
與君同嗅西風外歸去長拖布袖

同詩社諸君飲芹溪上

閑人不受春拘管被東風暗入羅幃暖草色近還無  
傍溪陡覺金沙軟梅花蕾風味朝來不淺十分漱  
灑金蕉滿兩頰潮紅百憂散不醉且無歸任門外玉  
繩低轉懽娛地莫道書生冷眼

鷓鴣天

九日寄彥衡濟之蕙簡仲堅景純二弟

點檢笙歌上小樓西風簾幙卷清秋綠醅輕泛紅萸  
好黃菊羞簪白髮稠今古限去悠悠無情汾水自  
西流澹煙衰草斜陽外併作登臨一段愁

又

酒滿金尊客滿樓  
美人清唱眼波秋  
花隨酒令筵前散  
香逐若髮坐上稠  
山瀝瀝水悠悠  
百年光景去如流  
直須爛醉酬佳節  
莫惹人間半點愁

彥衡諸君皆有和章因復仍韻以寫老懷

不是秋來懶上樓  
龍鍾詩骨不禁秋  
舊懽去我如天遠  
新恨撩人似髮稠  
空咄咄漫悠悠  
老來終是少風流  
千金買笑佳公子  
醉卧瓊樓不識愁

青陽峽對酒

千尺長虹下飲溪  
兩山環合翠屏圍  
非魚定不知魚樂  
得鹿還生失鹿悲  
花藹藹絮霏霏  
東風不染髮邊絲  
百川尚有西流日  
一老曾無却少時  
此溪西流

故云

又

古木寒藤蔭小溪溪邊更著好山圍波間容與雙鷗  
淨空外飄飄一鷄飛 湍浪寫萬珠霏風前天棘舞  
青絲蘭亭毫逸今陳跡不醉東風待幾時

又

颭颭輕舟逆上溪何時柳樹已成圍貪看歸鳥投林  
急不覺殘花入座飛 蘭摧舉翅塵霏挽斷有餘絲  
酒酣卻對青山笑面首蒼然不入時

上巳日再遊青陽峽用家弟誠之韻

兔釜遇時亦轉雷春江得雨浪崔嵬不才分作溝中  
斷偶對溪山一笑開 題姓字沸青苔此翁來後更



誰來不須更待移文遣俗駕聞風已自回

又

樓外殘雲走怒雷  
西山晴色曉崔嵬  
柳薰遲月千絲  
暗花噴濕馨一夕開  
須席地更茵苴  
素琴橫漆賦  
歸來一觴一詠風流在  
牛背如船倒載回

又

古屋干將未遇雷  
一生肝膽謾崔嵬  
不將身向愁中  
老剝把懷於笑裏開  
賢聖骨長寒苔  
君如不飲復  
何來便從今日爲頭數  
比到春歸醉幾回

莫春初之會飲衛襲之家酒酣諸君請作樂  
府因爲賦之使覽者知吾輩之所樂也

幼歲文章已自豪  
皤然猶記兩垂髦  
從教酒債生前

有莫待詩瓢死後漂 都三萬六千朝百年強半是  
羈騷須君自製黃金鱸醉我新菟玉色醪

又

醜酒搥牛詫里豪臨流觴詠富詩髦紛紛世態浮雲  
變草草生涯斷梗漂 愁不寐夜難朝廣陝散曲屈  
平騷從今有耳都休聽且復高歌飲楚醪

又

當日元龍氣最豪而今塵土墊冠髦紛紛落絮隨風  
舞泛泛輕鷗逐水漂 拚一醉便千朝文章休說僕  
奴騷春來春去容顏改輸我 前把碧醪

又

七字驪珠句法豪老夫倒甲墮纓髦與新不見明何

謂雷雨無聲麥已漂 窮硯墨幾昏朝星星髮半  
到騷從人笑我冬烘甚猶可尊前舉罰醪

又

把酒簪花強自豪花枝羞上阿翁髦不教春色因循  
過忍為虛名益浪漂 醒復醉莫還朝紛紛四海正  
兵騷從渠眼底桑田變且樂床頭搔瓮醪

和荅尋正道

襯步金沙村路遙歸來羞費楚詞招蜂粘落絮行池  
面蝶避游絲過柳橋 方外友伏誰邀定於鱸上作  
推敲窮愁止要詩料理莫問春來酒價高

臨江仙

壽周純景

仲蔚門墻蓬藿滿幽居不用聲華醜妻惡妾勝無家  
學湏勤苦就富貴豈天耶鼻堊未除斤未運相望  
咫尺天涯芹溪猶有折殘麻此心終莫展遲汝對巖  
花

三月十日與諸君約會西園久而不至花竟  
狼籍賦此排悶

人道花開春爛熳花殘春便無情小園獨自遶花行  
是非何日定洗耳聽江聲芍藥牡丹俱不見風枝  
猶有殘英階前黎葉已陰成所期猶未至何以倒吾  
瓶

幽懷

白首老儒身連蹇不隨時世紛華儘他人笑魯東家

皇天如欲治舍我誰復耶  
此道未行應有待何須  
思慮無涯男供耕獲女桑麻  
薄軀何所事問柳與尋  
花

浣溪沙

壽衛行之

莫說長安行路難  
休歌骯髒休門邊  
且將見在鬪尊  
前  
人意十分如月滿  
月明如夕向人圓  
年年人月  
似今年

元夕後一日史仲恭久客初還喜而賦此

馬上風吹醉帽偏  
一川晴雪裊吟鞭  
冷雪堆裏指家  
山  
慈母已占烏鵲喜  
佳人望月拜嬋娟  
今宵人月  
十分圓

壽菊軒弟

白髮相看老弟兄，閑身無辱亦無榮。  
兒孫已可代躬耕，子卻文章千載事。  
不須談笑功名青，山高卧待昇平。

訴衷情

初夏偶成

東風簾幙雨絲絲，梅子半黃時。  
玉簪微醒，醉夢間卻雨三枝。  
初睡起，曉鶯啼倦，彈碁芭蕉新綻。  
徒倚湖山，綵筆題詩。

生查子

正月上旬夜，夢寐間聞雪作。詰旦起視，但雲煙出沒，曉山濃淡如畫。西望長河，僅一髮耳。

作長短句以寫一時勝槩

淡月晃書窓夜靜人撩亂歌枕瀟瀟聽雪聲落葉閑  
堦滿清曉獨開門淡蕩東風軟詩句成時墮渺茫  
眼底江天遠

南鄉子

壽縣大夫薛君寶臣

五福幾人全我見君侯得處偏素著藹升鄉曲譽喧  
傳盡道新官似舊官五袴復歌庶竹馬兒童更可  
憐萬室春風和氣裏鳴絃好是今年勝去年

最高樓

壽衛行之并序

衛生行之少流寓兵革中既長始知讀書其

立志剛信道篤而寒苦貧年饑諸幼蒲前雖  
併日而食不卹也暇日與賓友飲酒賦詩為  
樂余既嘉其有守喜為稱道於其始生之日  
作樂府以歌詠之俾觀者知吾行之為人矣  
貧而樂天命復奚疑兒女聚嬉嬉東村邀飲香醪嫩  
西家羞饌蕨芽肥年華都把付與錦囊詩 白髮青  
山是人死惡金印碧幢是人所慕願吾道是耶非山  
妻解煮胡麻飯山童自製薜蘿衣問人生須富貴是  
何時

點絳脣

暮秋晨起書所見

愛酒淵明無錢羞對黃花語一盃誰舉寂寞空歸去



屋上青山山上行  
雲度悠然處是中  
真趣欲寫還無句

西江月

久雨新霽秋氣益清與二三子登高賦之人與寒林共瘦山和老眼俱青崢然一葉不須驚葉本無心入聽氣爽雲天改色潦收煙水無聲夕陽淵外片禽明溼泳一江秋影

遜菴居士詞終

菊軒居士詞目錄

滿江紅四

大江東去三

木蘭花慢一

滿庭芳一

望月婆羅門引五

江城子四

行香子一

月上海棠五

鷓鴣天十六

臨江仙八

驀山溪一

蝶戀花二

浪淘沙一

朝中措一

南鄉子二

木蘭花

減字四首

清平樂二

訴衷情一

水調歌頭一

菊軒居士詞目錄畢

菊軒居士詞

河東段 成已 誠之

滿江紅

張文信夫林亭小酌感事懷人敬用

遯菴先生韻

光景催人還又是西風吹袂青鏡裏滿簪華髮不堪  
憔悴一月幾逢開口笑十年滴盡傷時淚倩一樽相  
對說清愁花前醉 初未識名爲累今始覺身始寄  
把閑情換了平生豪氣致主安民非我事求田問舍  
真良計看野雲出岫欲飛回元無意

又

新春敬用

遯菴先生韻

料峭東風吹醉面向人如舊凝竚立野禽聲裡無言  
搔首庭下梅花開盡也春痕已到江邊柳待人間事  
了覓清懽身先朽 菟裘計何時有林下約床頭酒  
怕流年不覺髮邊還透往事不堪重記省舊愁未斷  
新愁又把春光分付少年場從今後

又

偶覩春事闌珊謹用

遯菴登鶴雀樓韻以寫所懷

點檢花枝風雨外雪堆瓊矗春去也朱絲絃斷鸞膠  
難續眼底光陰容可惜舊遊回首尋無跡對青山一  
餉倚枯藤灘聲急 人已老身猶客家在邇歸猶隔

語音縱如舊形容非昔芳草綿綿隨意綠平波渺渺  
傷心碧到愁來惟覺酒盃寬人間窄

又

遯菴兄以閔菊樂府見示三復之餘倚歌和  
之

誰把秋香偏著意植根姑射塵土外鮮鮮元有可人  
容質日久漸隨蕪蕪共沒歲寒還與松同潔傲新霜還  
有雨三枝天應惜 巾自漉醅微白人已老歡猶昔  
愛此花不負淵明清節醉裡不知人世換悠然獨倚  
西風立問一中時復慰窮途何如泣

大江東去

寄衛君襲之

干戈蠻觸問渠爭直有幾何而已畢竟顛狂成底事  
謾把良心戕毀坐穴黎床磨穿鐵硯自有人知己摩  
娑面目不應長爲人訛 過眼一線浮榮辱隨榮後  
身外那須此便恁歸來嗟已晚荒盡故園桃李秋菊  
堪餐春蘭可采免更煩鄰里孫郎好在與君共枕流  
水

又

送楊國瑞西歸

西風汾浦鴈初飛秋水渺茫無際有底忙時來復去  
汎若虛舟不繫籬菊將開村醪初熟且住爲佳耳笑  
言相答箇中吏隱無愧 歲月不貸閑入君顏非我  
少髮白如此好把金盃休去手萬事惟消沉醉日轉

山腰馬嘶柳外歌闋行人起  
憑高西望相思日斷烟水

又

贈答楊彥衡

暮年懷抱對水光林影欣然忘食  
推手功名非我事  
閑處聊為閑客  
世故多虞  
人生如寄  
一榻容安息  
髮絲千丈誰家機杼堪織  
三徑松菊猶存  
誅茅雜穢  
時借鄰翁力酒滿芳尊  
山滿眼此意無今無昔  
平地風波東華塵土不到  
幽人席與來獨往溪南  
還又溪北

木蘭花慢

元宵感舊



金吾不禁夜放蕭鼓恣遊遨被萬里長風一天星斗  
吹墮層霄御樓外香煖處看人間平地起仙鰲華燭  
紅搖醉勒瑞烟翠惹吟袍老來懷抱轉無聊虛負  
可憐宵遇美景良辰詩情漸減酒興全消思往事今  
不見對清樽瘦損沈郎腰惟有當時好月照人依舊  
梅梢

滿庭芳

齋居有感

鏖戰文場橫揮筆陣萬言一策平邊青雲穩步逸氣  
益賢關致主堯虞堂上真儒事直欲追前回頭錯閑  
中風味一笑覺都還百年都幾日何須抵死著意  
其間尋一丘一壑此固無難遁跡月蘿深處風吹夢

不到長安渾無事牀頭睡起簷日已三竿

望月婆羅門引

清明後醉書於史氏之別墅

東風嫋嫋飛花一片點征衣等閑耗損香霏春去春  
來無跡靜裏幾人知問沈郎何事帶減腰圍功名  
願違算此計未應非剩把閑愁殢酒幽興裁詩溪山  
好在恨眼中渺渺故人稀回首處清淚如絲

又

繁華夢斷吹花風起卻添衣滿庭紅雨霏霏獨倚繩  
床微嘆此意竟誰知悵西園轉眼翠幕成圍事無  
我違覺四十九年非便好忙開蔣徑細和陶詩風流  
已置撫遺編三嘆賞音稀人不見絃斷朱絲

又

翌日封仲堅見和因復用韻以答

小窓睡起曉寒特地怯春衣  
篝爐坐擁殘霏袞袞愁  
來何處獨有兩眉知倩一尊聊爾爲解重圍  
賞心莫違桃李事轉頭非幾曲承平舊譜數首新詩  
花開正好筭一番風雨未應稀  
舒醉袖惹住遊絲

又

晨起與仲堅偶坐少焉雨作其聲灑灑然絕  
似文場下筆時因借前韻戲成一篇

蹉跎歲晚床頭鐵硯已生衣  
破窓雨送輕霏暗裏隨  
風入夜花上早先知聽一時下筆鏖戰文圍  
天心不違更問甚是和非  
便著春衫換酒醉墨題詩逢場

作戲覺賞心樂事未全稀還自嘆虫吐餘絲

又

仲堅復見和文塾疊疊殊覺逼人可謂不負  
忍窮矣而其言若有所感因取舊韻述已意  
以答之雖知荒於辭章猶賢於無所用心也  
長安倦客不堪重整舊朝衣天香尚帶餘霏益世虛  
名何用政爾畏人知愛青山屋上面面屏圍 十朋  
弗離好事外卜筮知辨取殘年香火暇日歌詩東塗  
西抹笑顛狂如我向來稀休看鏡髮髮成絲

江城子

季春五日有感而作聊以自適

百年光景霎時間鏡中看髮成斑歷遍人間萬事不

如閑斷送餘生消底物  
蘭可佩菊堪餐  
功名場上  
稅征鞍退時難處  
暗安生怕紅塵一點  
污儒冠  
便恁  
歸來嗟已晚  
那更時待買青山

又

階前流水王鳴渠  
愛吾廬  
愜幽居  
屋上青山山鳥喜  
相呼少日功名空自許  
今老矣  
欲何如  
閑來活計  
未全疎  
月邊漁雨邊鋤  
花底風來吹亂  
讀殘書  
誰喚  
九原摩話起  
添畫我輞川圖  
一作憑畫作倦游圖

又

幽懷

昔年兄弟共禪冠  
轉頭看各蒼顏  
千古功名都待似  
東山慷慨一盃風  
露下  
追往事  
叙幽懽  
晨霞翠相

尚堪餐養餘閑未全慳十丈水花况有藕如船醉裡  
忽乘鸞鶴去塵土外兩癡仙

又

東園牡丹盛開二三子邀余飲花下酒酣即  
席賦之

水南名品幾時栽映池臺待誰開應爲詩人著意巧  
安排調護正須宮樣錦透麗日障飛埃 曉風吹綻  
瑞雲堆怨春回要詩催醉墨淋漓隨手洒瓊瑰歸去  
不妨簪一朵也道看花來

行香子

書舍偶成

自嘆勞生枉了經營到而今一事無成不如聞早覓

箇歸程向渭川漁東市卜富春耕  
眼底浮榮身外  
虛名儘輸他時輩崢嶸得閑偷處且適閑情有坐忘  
篇傳燈錄洗心經

月上海棠

次遜菴兄繼玉清韻

酒杯何以浮名好一入枯腸泰山小喚省夢中身鷓  
鴒數聲春曉昂頭處幾點青山屋杪 人生得計魚  
游沼視過眼光陰向來少須卜一枝安笑月底驚烏  
三繞無窮事畢竟何時是了

又

重九之會彥衡賦詞侑觴

遜菴公與座客往復賡歌至于再三語竟益

妙殆不容後來者措手彥衡堅請余繼其後  
勉為賦之

黃花未入淵明手日攪空腸幾回九山色繞吾廬猶  
是當年時秀忘言處此意何嘗在酒 等閑莫把良  
辰負恨不見平生舊親友三逕久荒涼籬下落英誰  
嗅傷時淚不覺沾襟漬袖

又

老來還我扶犁手想豪氣十分已無九都把濟時心  
分付與一時英秀還自笑潦倒猶堪殢酒 從前枉  
被虛名負何似尊前聖賢友纖手斫金叢一嚼不妨  
時嗅頽然醉卧印蒼苔半袖

又



冬至後一日獨居無悵復用前韻

光陰輸與閑人手屈指窮冬又初九風雪擁紫關竹  
外一枝梅秀醅瓮熟似笑淵明止酒溪山舊約吾  
無負便結無情歲寒友世味儘醇醲掩鼻向伊慵嗅  
蓬茅底有手何妨且袖

又

詩社諸君復相屬和又不免步韻獻笑

秋風鶴髮雙龜手不如意事十常九蓬蔴映閑階嗟  
叢菊汝奚為秀衡門掩問字無人載酒永惟道德  
初心負向上將求古人友三抱遺編藹餘馥殘膏  
誰嗅趨時樣競銜羔裘豹袖

鷓鴣天

九日

那得工夫上酒樓誰能皮裏更陽秋但教閑事心頭  
少免致清霜鏡裡稠休咄咄儘悠悠佳時來往亦  
風流百年光景無多子請向尊前聽解愁

又

手段慚非五鳳樓題詩把菊負清秋黃柑旋折金包  
嫩白酒新蕩玉液稠身外事付悠悠牛山何必涕  
空流不如且進盃中物一酌能消萬古愁

又

豪氣消磨百尺樓憂來一日抵三秋故人落落星辰  
少新儂纍纍塞草稠思往事去悠悠夕陽回首忽  
西流葉聲偏入愁人耳聲本無心人自愁

又

上巳日陪遜菴先生遊青陽峽

瀟瀟春江走怒雷  
翠巖千丈立崔嵬  
山英似與遊人約  
盡放浮雲一夕開  
傾綠酒坐蒼苔  
大書歲月記曾來  
直將酩酊酬佳節  
挽住春光不放流

又

不卹枯腸設夜雷  
一盃曾次失崔嵬  
暫將平昔看書眼  
移向溪山好處開  
從健倒卧莓苔  
明朝有酒更重來  
百年光景無多子  
爛醉溪頭得幾回

又

冷卧空齋鼻孔雷  
野禽呼我上崔嵬  
幽懷畢竟憑誰寫  
笑口何妨對酒開  
巖鎖為徑封苔  
愛閑能有幾

人來虛名蓋世將安用引斷長繩喚不回

又

三月寒潭未走雷臨流照影笑崔嵬詩無好句願難  
解尊有芳醪手自開山下石水邊苔春風來似不  
曾來酒闌偶趁飛花去路斷前溪笑卻回

鷓鴣天

再遊青陽峽奉和

遜菴叟韻

好徹南溪到北溪山回萬馬合長圍花如有舊迎人  
笑雲自無心出岫飛揮醉墨帶烟霏婆娑醉舞拂  
青絲昔時心賞今猶在但恐風流異昔時

又

瀑布巖前水滿溪青陽廟下四山圍歌殘白雪雲猶  
佇舞落烏紗鳥忽飛迷晚色鎖晴霏野花如綺柳  
如絲一尊不惜頽然醉明日重來已後回

又

立春後數日盛寒不出因賦鄙語敬呈

遜菴兄一笑

擺脫浮名儘自閑人間萬事一蒲團歸田老去方知  
樂行路今來始覺難山雪盛草堂寬客牀輾轉若  
為安甫能望得春消息一夜東風特地寒

又

誰伴閑人閑處閑梅花枝上月團團陶潛自愛吾廬  
好李白休歌蜀道難林壑靜水雲寬十年無夢到

長安五更門外霜風惡千丈青松傲歲寒

又

那得茆齋一餉閑地爐敲火試龍團頭從白後彈冠  
懶脚自頑來應俗難塵世窄酒盃寬百年轉首一  
槐安是非滅穀何時了隱几西窓月色寒

又

堂上幽人睡正閑門前聲利聚為團花香惱夢尋無  
處詩句撩人寫復難空自嘆倩誰寬驚鳥三繞幾  
時安青山隔岸迎人笑舊有盟言且莫寒

又

上巳日會飲衛襲之家園

千古蘭亭氣象豪當時座上盡英髦林藏修竹依山

靜花逐流觴信水漂  
悲往事樂今朝雖無絲竹有  
風騷回頭一笑還塵跡莫厭尊前醉濁醪

又

殢酒賞春笑二豪題詩品物愧時髦心如幽鳥忘機  
久靜身似虛舟到處漂  
須富貴是何朝一杯聊慰  
楚人騷逢花堪賞應須賞座有佳賓尊有醪

又

和荅尋正道

鵬翼翩翩去路遙歸來羞費楚詞招讀書未免終投  
閣沽酒何妨暫過橋  
風與月不須邀時來閑處伴  
推敲兒童也笑翁慵甚睡起牀頭日已高

臨江仙

奉繼遜菴先生韻

十載龍門山下路  
夢魂不到京華此  
身著處便為家  
窮通吾有命不樂復何耶  
萬事尊前供一笑  
浩然逸興無涯  
詩人休更詠丘麻  
東風吹酒醒冷眼看飛花

又

四十六年彈指過  
蒼頭却換春華在  
家居士已忘家  
誰人知此意袖手向毗耶  
世故驅人何日了  
漂流不見津涯  
軟腸一鉢有胡麻  
紛紛身外事渺渺眼中花

又

田間閑步偶成



管領韶華成老醜有情爭似無情芒鞋竹杖葛衣輕  
悠悠身外事寂寂水邊行 眼底光陰猶是夢何須  
身後虛名仰天一笑絕冠纓東風歸路穩十里暮山  
青

又

李山人壽

濁酒一卮歌一曲大家留住秋光片雲輕護曉來霜  
殷動籬下菊滿意為君香 四海干戈猶未定此身  
底處安藏醉中聞說有真鄉便從今日數三萬六千  
場

又

暮秋感興

濁酒一杯歌一  
世間萬事悠悠閑來乘興一登樓  
西風吹葉盡脫見四山秋自古興亡天不管屈原枉  
葬江流寸心禁得許多愁宛然成獨笑白鷺起滄  
洲

又

轉眼榮枯驚一夢百年光景悠悠浮生擾擾笑何樓  
試看雙鬢上衰颯不禁秋古往今來多少事一時  
分付東流五更枕上調清愁笛聲何處起明月蓼花  
洲

又

走遍人間無一事十年歸夢悠悠行箴休更倚危樓  
亂上明月曉滄海冷雲秋詩酒功名殊不惡箇中

未減風流西風吹散兩眉愁一聲長嘯罷煙雨暗汀洲

又

自笑荒才無世用功名都付悠悠斷腸怕上夕陽樓  
蕭蕭楓葉下漠漠葦花秋日月未知忙底事東生  
又復西流古人不見使人愁秋蘭無處採流水滿芳洲

驀山溪

衛蘄之壽

杏花半吐花底香風度楊柳嫩金絲拂晴波垂萬縷  
東君著意付與有情人山下路水邊村總是堪行處  
春光幾許不用忙歸去呼取翹生來把閑愁一時

分付大都是醉三萬六千場  
遇有酒且高歌留取青春住

蝶戀花

衛龍襲之生朝遯菴兄作歌調以壽之余獨無  
言襲之執卮酒堅請不已勉用兄韻以答其  
意

點檢東園花發未蝶遶芳叢  
馥馥香浮蕊買酒酬春  
君有地不好日涉聊成趣  
身世虛舟元不繫浮利  
浮名是甚閑情味花下一杯  
方得意人間萬事宜姑  
置

又

明日衛生見和復次前韻

燕子歸來寒食未，脉脉桃花微露胭脂。蕊回想舊日遊  
歌舞地，狂詩顛酒當時趣。白日長繩誰可繫，老去  
情懷事事都無味。倦鳥知還非有意，忙時宜用閑時  
置。

### 浪淘沙

#### 惜花

好箇杏花時，只怕寒欺。東君無意惜芳蕤。雨橫風狂  
都不管，儘被禁持。瘦損一分肌，著甚醫治。一天春恨  
沒尋思。怎得丁寧雙燕子，說與春知。

### 朝中措

偶出見牆頭杏花喜而賦之

無言脉脉怨春遲，一種可憐枝。最是難忘情處，牆梢  
微露些兒。十分細看風流，却在一般開時。政要東

風擡舉莫教吹破胭脂

南鄉子衛行之壽

蘭玉衛諸郎我見白眉子最良說似向人人不會何  
妨靜裏誰知竹有香 歲月沒商量暗地催人

又

薛寶臣生朝俱用薛氏事實

郡姓記君先烏鵲翔飛瑞自間聞在兒時人已憚他  
年又作河東一鳳傳 佳政訟弓縶看賦春遊第幾  
篇躡僑誰為門不容休歎換欲先生茵荷盤

減字木蘭花

前重陽幾日籬下始見菊放數花嗅香授藥

慨然有感而作以貽山中二三子

人生行樂須聞早休惜一尊花下倒無情歲月不相  
饒轉首吳霜紛莫掃佳時苦恨歡悰少鏡裏衰顏  
難再好試將離恨說渠儂天若有情天亦老

又

不才自合收身早一坐青山成潦倒蒙頭羸得日高  
眼落葉滿庭慵不掃殺人四海知多少留在頭皮  
貧亦好年年種菊待花開不道看花人漸老

又

萼蘆江上秋風早四海狂瀾驚既倒明知不是入時  
人閉戶十年成却掃故人落落晨星少紅葉黃花  
依舊好登臨信美自無情坐覺光風容易老

又

醉中昨夜歸來早應相蒼苔嗔健倒一樽聞健莫蹉  
跎過眼光陰如電掃破除萬事心頭少酒自於人  
情味好醒時還醉醉還醒賴得此鄉容我老

清平樂

薛子余弄璋

東君詞護錯怨春遲暮一葉蘭穿今始露香滿君家  
庭戶抱看玉骨亭亭精神秋水分明自是人間英  
物不須更試啼聲

又

送張君美經歷之任安西幕

鷄聲戒曉催上長安道賓幕雍容年正妙人物風流  
溫嶠政成海泳江涵門闌剩有餘閑公事不妨行



樂春風韋杜城南

訐衷情

史仲恭壽

芹溪清淺舞連漪  
墜釣錦鱗肥  
黃花一樽芳酒萬事  
覺俱非  
留晚景惜香霏  
醉時歸  
最關情處迎門稚  
子一笑牽衣

水調歌頭

山中偶成

人生等行旅  
幾費能春秋  
元龍謾矜豪氣  
百尺卧高樓  
昨日青青雙鬢  
今日星星滿鏡  
轉首歲華流  
歸去便歸去  
何處覓菟裘  
一枝筇一壺酒  
寄真游  
姑山玉立千仞直  
下看神州  
欲語幽情誰可賴  
有白鷗知我塵世儘悠悠  
一笑對妻子  
出處不須籌

菊軒居士詞終